

Ugovorne strane:

B Books d.o.o. Sarajevo – Podružnica 1, Kenana Brkanića br.2, Vogošća, koga zastupa Almin Pajić, Direktor(u daljem tekstu: prodavac)

j

Javna ustanova Osnovna škola "Zajko Delić" Vogošća, koju zastupa Anisa Sivac, Direktor (u daljem tekstu: kupac)

Zaključili su dana 31.08.2018.godine

UGOVOR O PRODAJI ROBE

Ugovorne strane su saglasne o slijedećem:

Član 1.

Ugovor se zaključuje na određeno vrijeme, odnosno na period 01.09.2018.- 31.12.2018.

Član 2.

Prodavac se obvezuje prodati kupcu , a ovaj se obvezuje kupiti slijedeću robu:
Kancelarijski materijal .

Član 3.

Kupoprodajna cijena obostrano je ugovorena između prodavaca i kupca u iznosu do 4.000,00 KM (slovima :četiri hiljade i 00/100 konvertibilnih maraka) .

Kupac je dužan isplatiti kupovnu cijenu u iznosu navedenom u prednjem stavu ovog člana po ispostavljenim fakturama za svaku pojedinačnu isporuku robe sa rokom plaćanja do 30 dana od dana preuzimanja iste, a ako to ne učini plaća zateznu kamatu za vrijeme od dana dospijeća isplate do podmire prema važećim propisima.

Član 4.

Prodavac se obvezuje, ugovorenu i prodanu robu predati kupcu u mjestu Kobilja Glava, Kenana Brkanića br.2, Vogošća .

Prodavac je izvršio obvezu predaje stvari kupcu kada mu stvar uruči ili predla ispravu kojom kupac može preuzeti stvar.

Prodavac je dužan predati stvar u ispravnom stanju zajedno sa njenim pripadnostima.

U slučaju kada je potrebno izvršiti prijevoz stvari, a nije određeno mjesto predaje, predaja je izvršena uručenjem stvari prijevozniku ili osobi koja organizira otpremu.

Član 5.

Troškove predaje kao i one troškove koji prethode predaji snosi prodavac, a troškove odnošenja, kao i sve ostale troškove poslije predaje snosi kupac.

Član 6.

Do predaje stvari kupcu rizik slučajne propasti ili oštećenja stvari snosi prodavac . Predajom robe rizik prelazi na kupca, ali rizik ne prelazi na kupca ako je on zbog nedostatka prodane stvari raskinuo ugovor ili tražio zamjenu stvari.

Ako predaja stvari nije izvršena zbog zakašnjenja kupca rizik prelazi na kupca u trenutku kada je pao u zakašnjenje.

Član 7.

Sporazumom ugovornih strana utvrđuje se da će kupac putem vršitelja kontrole izvršiti stručnu i nepristranu kontrolu robe. Kontrola robe će se sastojati u utvrđivanju identiteta , kvalitete, količine i drugih svojstava robe.

Član 8.

Prodavac odgovara za materijalne nedostatke stvari koje je ona imala u času prelaska rizika na kupca, bez obzira da li mu je to bilo poznato.

Prodavac odgovara i za one materijalne nedostatke koji se pojave poslije prelaska rizika na kupca, ako su posljedica uzroka koji je postojao prije toga.

Materijalni nedostaci na robu postoje:

- ako stvar nema potrebna svojstva za njenu redovnu upotrebu ili za promet,
- ako stvar nema potrebna svojstva za naročitu upotrebu za koju je kupac nabavlja, a koja je bila poznata prodavacu, ili mu je morala biti poznata,
- ako stvar nema svojstva i odlike koje su izričito ili prešutno ugovorene, odnosno propisane ,
- ako je prodavac predao stvar koja nije odgovarajuća uzorku ili modelu, osim ako je uzorak ili model pokazan samo radi obavještenja.

Prodavac ne odgovara za nedostatke ako su ti nedostaci u trenutku sklapanja ugovora bili poznati kupcu ili mu nisu mogli ostati nepoznati. Smatra se da nisu mogli ostati nepoznati kupcu oni nedostaci koja bi brižljiva osoba sa prosječnim znanjem i iskustvom osobe istog zanimanja i struke kao kupac mogla lako opaziti pri uobičajenom pregledu stvari.

Prodavac odgovara i za nedostatke koje je kupac mogao lako opaziti, ako je izjavio da stvar nema nikakve nedostatke ili da ima određena svojstva ili odlike.

Član 9.

O vidljivim nedostacima robe kupac je dužan izvjestiti prodavaca u roku od pet dana ,jer inače gubi to pravo.

Kad se nakon primitka stvari od strane kupca pokaže da stvar ima neki nedostatak koji se nije mogao otkriti uobičajenim pregledom prilikom preuzimanja stvari (skriveni nedostatak), kupac je dužan pod prijetnjom gubitka prava, o tom nedostatku obavijestiti prodavaca u roku od dva dana računajući od dana kad je nedostatak otkrio.

Prodavac ne odgovara za nedostatke koji se pokažu pošto protekne jedan mjesec od predaje stvari .

Član 10.

Ugovorne strane su saglasne i prihvaćaju da za sve ono što nije u ovom ugovoru predviđeno, važe propisi iz Zakona o obligacionim odnosima.

Član 11.

Ugovorne strane se obvezuju eventualne sporove rješiti mirnim putem , ukoliko to nije moguće ugоварaju nadležnost suda u Sarajevu .

Član 12.


Ovaj ugovor je napravljen u 4 (četiri) istovjetna primjerka od kojih svaka strana zadržava po 2 (dva) primjerka.

Član 13.

Ugovorne strane primaju prava i obveze iz ovog Ugovora, te ga u znak toga potpisuju.


Broja: 31-08-1/2018

Prodavac:



Kupac:

A handwritten signature in blue ink, appearing to read "Molos".



Spel. f. 01-1309/18

Dana, 31.8.2018.g